

OPĆINA CENTAR SARAJEVO

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinski načelnik, dana 16.01.2017. godine, verificovao je i donio

ODLUKU

O KOREKCIJI REGULACIONOG PLANA "STAMBENA ZONA ŠIP" (PODRUČJE OPĆINE CENTAR SARAJEVO)

(Izmjena građevinskih markica i preparcelacija unutar vlasničke parcele)

Član 1.

Utvrđuje se korekcija Regulacionog plana "Stambena zona Šip" područje Općine Centar Sarajevo ("Službene novine Kantona Sarajevo", broj 11/16), u daljem tekstu: korekcija Plana.

Član 2.

Korekcija Regulacionog plana "Stambena zona Šip" (područje Općine Centar Sarajevo) vrši se u zoni individualnog stanovanja, uz Ulicu Zije Dizdarevića.

Član 3.

Korekcijom Plana stvoreni su planski preduvjeti za izmjenu građevinskih markica i preparcelaciju unutar vlasničke parcele.

Parkiranje vozila, odnosno dovoljan broj garažnih mjesta potrebno je riješiti u sklopu građevinske parcele ili objekta u skladu sa Zakonskom regulativom, kao i pristup objektima.

Član 4.

Korekcija Plana sastoji se iz tekstualnog dijela i grafičkih priloga i to: Izvod iz Regulacionog plana "Stambena zona Šip" područje Općine Centar Sarajevo (list br. 1), Korekcija Regulacionog plana "Stambena zona Šip" područje Općine Centar Sarajevo (list br. 2) i Analitička obrada građevinske i regulacione linije (list br. 3). Tekstualni dio i grafički prilozi korekcije Plana su sastavni dio Regulacionog plana "Stambena zona Šip" područje Općine Centar Sarajevo ("Službene novine Kantona Sarajevo", broj 11/16).

Član 5.

Korekcija Plana je rađena za fazu urbanizma, a obaveza Investitora je da za faze komunalne infrastrukture izvrši usaglašavanje korekcije Plana sa Idejnim rješenjima, koja su sastavni dio Regulacionog plana "Stambena zona Šip" (područje Općine Centar Sarajevo), te pribavi saglasnost nadležnih javnih komunalnih preduzeća.

Član 6.

Po jedan primjerak ovjerene korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i Ministarstvu prostornog uređenja, građenja i zaštite okoliša Kantona Sarajevo.

Član 7.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-3819/16 Općinski načelnik
16. januara 2017. godine Prof. dr. Nedžad Ajnadžić, s. r.

Na osnovu člana 54. stav 3. Zakona o sportu - Prečišćeni tekst ("Službene novine Kantona Sarajevo", broj 45/12), člana 12. stav 3. Odluke o načinu ostvarivanja javnog interesa Općine Centar Sarajevo u oblasti sporta ("Službene novine Kantona Sarajevo", broj 11/02) i člana 69. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinski načelnik donosi

PRAVILNIK

O KRITERIJIMA ZA FINANSIRANJE JAVNOG INTERESA OPĆINE CENTAR SARAJEVO U OBLASTI SPORTA

I - OPĆI PRINCIPI

Član 1.

Ovim Pravilnikom uređuje se opći principi, prava i obaveze, odnosno bodovni kriteriji za finansiranje i sufinansiranje sportskih aktivnosti organizacija u sportu iz Budžeta Općine Centar Sarajevo s ciljem podsticanja razvoja sporta i saradnje sa organizacijama u sportu (u daljem tekstu: organizacije).

II - PRAVA I OBAVEZE

Član 2.

Pravo na finansijsku podršku mogu ostvariti organizacije podnošenjem projekata na Javni poziv, te putem zahtjeva tokom godine za izvanredne situacije.

Član 3.

Uslovi za prijavu na Javni poziv:

- Da je sjedište organizacije na području Općine Centar Sarajevo (u daljem tekstu: Općina),
- Da je projekat namijenjen građanima Općine,
- Da je organizacija upisana u Matičnu evidenciju Sportskog saveza Kantona Sarajevo,
- Da su obezbijeđeni tehnički uslovi, ljudski i materijalni resursi za realizaciju planiranih aktivnosti.

Ostali uslovi:

- Da organizacija nije ogranak bilo koje političke partije niti su uključene u bilo kakvu aktivnost u ime političke partije,
- Da članovi rukovodstva organizacije (kao što su direktor, predsjednik i zamjenik Upravnog odbora i sekretar) nisu istovremeno postavljeni ili izabrani na bilo kojoj rukovodećoj poziciji unutar političke partije,
- Da je projekat urađen u skladu sa Uputstvom i na obrascu Službe za obrazovanje, kulturu i sport (u daljem tekstu: Služba).

Član 4.

- Javni poziv za finansiranje i sufinansiranje projekata iz oblasti sporta za narednu godinu raspisuje Općinski načelnik na prijedlog Službe.
- Javni poziv se objavljuje do 31. oktobra svake godine i ostaje otvoren najmanje 15 dana od dana objavljivanja.
- Javni poziv se objavljuje u jednom od najtražnijih dnevnih novina.
- Obrasci neophodni za prijavu (prijavni list, uputstvo, bodovni kriteriji, obrazac za izradu projekta i obrazac izjave) objavljuju se zajedno sa Javnim pozivom na web stranici Općine.
- Javni poziv sadrži:
 - naziv organa koji raspisuje Javni poziv;
 - naziv Javnog poziva;
 - pravo prijave na Javni poziv;
 - uslove za prijavu na Javni poziv;
 - broj projekata koje aplikanti mogu kandidovati;